



DÆDALUS,
è duplici Labyrintho vindicatus:

h. e.

Biceps rara felicitas,
CLARISSIMI, ac PERSECUTIONIBUS PRO-
BATISSIMI

M. GEORGGII
LANI, Hung.

In ante Civitatis Montanæ CARPO-
NENSIS in Hungaria RECTORIS
meritissimi,

dum primò

*Ad Triremes Neopolitanas injustissimè ab ductus,
justissimè, juxtimq; felicissimè elapsus, post redux
in Germaniam, secundis auspiciis,*

IN ALMA LIPSIENSI
Supremos in Philosophia Honores
faustiter occuparet,

A. O. R. M. DC. LXXVI. Die 28. Januar

UNIVERSITÄTS-BIBLIOTHEK
HALLE
(SAALE)
BIBLIOTHECA
PONICKAVIANA

WITTEBERGÆ,

Typis JOHANNIS SIGISMUNDI Ziegenbein.

x 2055824





**VIRTUS SUCCISA,
SUCCEDIT MELIUS.**





LANI victor ova, cesit victoria victis!
Jam redit in * *Somno visus Post nubila Phæbus.*
Dicere quis valeat, quæ Vos superastis iniqua?
Quam fatale malum? fors quos conjunxit amara
Constantes Tecum Socios *gravioraq; passos:*
Quos Tu firmasti verbis [*livor, malus insit*
Facta docent] quid tum? *Invidiam moves incluta Virtus.*
Talia Romuleus Vobis Ergastula passim
Juppiter extruxit, tetrum & Vos trusit in antrum.
Branicz Te, Kapuvar, Berencz, Leopoldo polisq;
Komaromq; alios, Iberhard, Savarq; tenebat:
Donec ad Hispanas rapereris (ô ausa!) Triremes.
ô quoties lachrymis vultus oculosq; rigasti!
Dum TUA membra fero lacerarunt verbera CACI
Sorte favente dolos, vicisti atq; auspice Christo:
Teutonia Exulibus decus & Tibi præbet asylum.

Dura ** redux aliud fit PAR sua vincula narrans,
MASNICIUS tum SIMONIDES sacra nomina Christo:
Testis quid valeat vultu *Tarpeja* minaci,
Thais in innocuè Captos. Tu *Jova* require!
Ast nullo fœdata malo *lectissima* TRIGA,
Continues *bellum Domini*, fac pectore firmo:
Cunctipotens animos Vobis viresq; secundas
Sufficiet. Faciet! *Tandem bona causa triumphet!*
MAGNUS KLESCH aderit Vobis ille *Arbiter æquus*,
Victima qui fuerat *Libitinae* ** trina parata.

Ast Tu *chare Deo nimiumq; exercite duris*
Macte animo! Cui nunc PHILYREUS Apollo *Coronam*
Aptat: Virtutis longiq; insigne laboris.
Vincolorum meminisse juvat: quantumq; tulisti;
Hoc compensat HONOS tandem [*procul atra recedat*
Invidia] atq; ferat Patriæ & Tibi præmia larga.

Sed Tu Transtrorum sub pondere respice Christe
Captos: Scyllam inter positos scopulosq; sonantes,

Mor-

Mortem qui potius malunt quam nomina Christo
Tradita, Romanæ *subscribere* turpiter ATÆ

Ze qv Chri mi magnifi
* * lus os sti rus jam cavit,
* * Zoi h tri di dentene

*Ah redeas * * * Genitor, Mater pia, pignora poscunt.*

Ita emeritis pridem Honoribus, reduciq; communi
bono Patriæ, ex Hispano-Papistico jugo, affe-
ctum testabatur

CHRISTOPH. MAZARIUS, Hung.

Parentis Triremes deplorans jugiter

Anno

ô DeVs tristes tVos In trireMibVs CaptIVos Libera.

* Pofonii nempe, priusquam constantes Christi Confessores, cum carni-
fice [qui eos funib. & aliis terriculamentis jussu Archi-Episcopi, unicè ad
subscribendum pellicere studebat] deducerentur ad carceres: Cl. Dn.
G. LANI in somno visa ingens tempestas; quam tamen mox innubis
dies conseqvuta. En somnium duplici omine implevit Deus: Libertate
& Novis Honoribus ejus Crucem illustrando ac mitigando.

** Priscæ hi pietatis ac fidei Viri Pl Rev. *Tobias Masnicius* Ilavien-
sium olim Diaconus, *Cl. D. Johannes Simonides* Brizn. Rector felicissimus
& fidelissimus: post sententiæ fulmen, in Tertia Citatione à Delegato
Judicio in innocentes iniquissimè evibratum, quod Antichristi Rever-
salibus subscribere contra conscientiam non possent, Leopoldini cum
reliquis intrepidis Martyribus, gravissima quæq; sunt experti: post pedi-
bus compede vinctis ad Triremes [suppliciorum genere omnium miser-
rimo] à desperato milite sunt pulsî; Ab illis tamen, eodem quo Cl. D.
Lani die fugâ sese salvarunt. Et cum denuò Capracottæ desperatiori
carceri superioribus, in fuga capti, inderentur, ac nova iterum velur
mancipia ad Triremes venum prostant, Christianorum Mercatorum
interveniente prece & pretio, sunt libertate donati: ac hodie emenso
tanto itinerum intervallo, Wittebergæ, apud pium Abdiam refocil-
lantur, vias & miserationes Dei deprædicantes, fataq; Concaptivis ge-
mentibus similia comprecantes. *Fiat!*

* * * Nempe primùm cum à Croatico milite in ædibus Parochialibus
Olasi-

Olasini, captus, & ferro fauciatus, velut spectaculum Mundi, ad Arcem Varaliensem duceretur: deinde cum in desperata captivitate Cassoviae detineretur: tandem cum Arrestum Lubloviensem sustinere cogere-
tur. Taceo praesentissima alia pericula in Inferiori Hungaria illi data, quae praesertim in Expeditione illa Mahumedano-Scythica subiit, ex qua (bonis tamen omnibus exutus) vix vitam, cum suis eripuit, Vir ille Dei omni fortunam exercitatus.

* * * Dolent una mecum boni, quosdam tam abjecte de vinculis in Triremibus gementium sentire, doloresque eorum aggravare. Pro quorum tamen eliberatione, si vel communi Christiani officio, defungi vel-
lent, cum tota Ecclesia preces fundere deberent. Quorum deploratis-
simus status, jam & ipsis Persecutoribus corda emollivit, tantique Principes & Academiae causam eorum justissimam patrocinantur. *Nescis quid serus vebat vesper.*

* * * * Ignosces filiali amori Vir Cl., dum invitante vocula Genitoris, in metri calce adjecta, brevissimam Synopsim factorum Parentis mei, Danielis Mazarii Pastoris ultimo Thamas falvae longè dignissimi, ob oculos T. C. proposuero. Non enim vel pietate mea dignius, vel Tuo erga me affectui convenientius argumentum exhibere poterò, quam si Tui fidi Parastatae, & omnium Catastarum Consortis, quae pro veritate & innocentia Evangelica constantissimè sustinuistis, mentionem injecero: prognosticaque à primis incunabilis, non vano augurio Carceres ejus & Triremes, in senili aetate subeundas, portendentia, recensuero. Fuit is Christophori Mazarii Pastoris olim Revuczensium, sub Murany, Filius: Avum etiam numeravit, felicitis recordationis, Virum Pl. Rev. Georgium Mazarium, Thamas falvae Pastorem. Natus verò est Anno salutis 1626. in Ribnik (qui pagus est in Comitatu Gömöriensi Turcis tributarius) unicus Filius, & Sorore unica, quam in legitimum thorum sibi delegit Vir sanctissimae vitae & zeli plenus Andreas Bubenka olim Pastor Ochtinensis, in eodem Comitatu, jam cum reliquis Exul Christi. Et cum Avus cum Parente meo, tum in cunis vagiente, praevià vocatione divinam, rediret, in Sucham in Comitatum Kyshontensem, † ut partem Ecclesiae illius ad Papismum secedentem, ad fidem & officium pristinum revocaret: plane ipsò introductionis die (uti vocant) cum res Avi mei Parochiae inferebantur, per furibundam autem novellorum Papistarum fecem ejiciebantur: evenit, ut Parens meus unam cum cunis extra Parochiam exturbaretur, jamque in tenella illa aetate, crudelitatem Papisticam experiretur. Quo indigitabatur (uti ex eventu ha-
riolari

riolari licet) eum extra domum & extra Patriam à Papistis eje-
ctum iri. Religio enim Lutherana à primo plantationis die, continuas
sensit phases, & sanguineas à Papistis persecutiones, usq; ad totalem jam
πανολετρεία, dum ex toto Regno exulat, si Sempronium excipias: do-
nec exurgat Deus, qui judicabit causam suam. *Psal. 74. 22.* Redux igitur
Avus meus ab ingratis, qui Evangelio planè hospitium denegabant, in
Ribnik spartam priorem ornavit: deinde Revuczam evocatus, ac solen-
niter tympanis & vexillis, totò obviam procedente Oppido (quæ erat ve-
neratio Ministerii in Hungaria) exceptus, Cathedræ illi præfuit, ad ex-
tremum usq; halitum, Exemplaris ille & fidelissimus in Domo Dei ser-
vus. Sacris verò jam initiatus, ac Articulis fidei, humanioribusq; literis
probè tinctus ac adultior factus, cœpit Parens honoratissimus, Artem
Manuariam Lanionū, post habitis Scholis, tractare: contranitente acriter
Avo sanctæ memoriæ. Alia v. erant de Te Parens mœstissime, Dei consilia,
aliæ Artes Te manebant, alia fata: nempe, ut non tantum in Pannonia
exemplo Avorum Nomen Jesu annunciares, sed & coram Judicio Dele-
gato Pofonii, ac extra Natale solum, in Triremibus, in vinculis, seminu-
dus, catenatus, æternum Evangelium Dei, prædicares. Quare verberibus
à proposito revocatus [quod non ad confusionem venerandæ ejus ca-
nitici, gravesq; vinculorum exacerbandos dolores profero; sed ut pa-
teat, quam mirabiliter suos ducat Deus, & vel fugientes ac recalcitrantes,
(ut Jeremiam & Jonam) divinò suò præficiat muneri] ad Scholas rediit,
& continuâ ferie, tum celeberrimas Olasiensem, Alnoviensem, Solnen-
sem & Briznensem frequentavit, in postremisq; duabus Præceptorem,
ætate illa diligentissimum *Buzzik* Ramistam audivit, eiq; se penè omnia
debere, constanter fatebatur. Ac statim Artis ejus Censores sequuti. Nam
evocatus Czetnekium, Cantoratus officio, modicò spatio, cum laude ta-
men præfuit; post Revuczam evocatus, optimi Rectoris partes adimple-
vit universas. Ubi & matrimonio felici & tranquillo sibi junxit Virgi-
nem, sexus sui decus & ornamentum, *Mariam Piscatoris*, Matrem meam
lectissimam: cum qua sexus masculini prolem suscepit senam. Johannes
quidem bimulus fati concessit, ut & Georgius Ialans: nos verò IV.
Georgius alter, natu nunc minimus Acicularius, Jacobus medius Stu-
diosus, Elias Lanio, qui nuper Pl. Rev. D. Vég Filiam sibi in futuram vi-
tæ & fortunarum sociam adjunxit, Parentis miseri Sympalæstritæ: & e-
go primogenitura reliquis felicior, nos inquam, quoad visum fuerit
pio Numini, vivimus orbi, liberationem Hungarici Israël, imprimis
verò

verò vinculorum, quæ heu miserum! stringunt Parentem, solutionem sollicitè anhelantes. Revuczæ postquam valedixisset in Schumyatz pro Pastore est evocatus Dn. Parens: Seniore existente perpetuo Joh. Mayo Theologo exemplari, jam in coelis triumphante, qui locus ad Boream situs Arcis Murany. Ubi per septennium substitit, ac boni Pastoris officio ex asse satisfacit. Sed cum à Plagiariis bis, penè caperetur, si non, duce Deo, ob agilitatem corporis insolitam, pedumq; celeritatem se salvasset: pertæsus periculorum (nam & Antecessor ejus à Turcis captus & miserè laniatus fuit) locum mutavit, & Thamasfalvam, ordinariis mediis evocatus se transtulit. (Locus is erat subjectus Turcæ in Comitatu Neogradiensi, adeoque ab invasionibus plagiariorum tranquillus) Hic, cum per XV. Annos magno Ecclesiæ suæ commodo substitisset, ac frequenter in splendidioribus Nobilium Funeribus circumcirca, sacra peregrisset [svadâ enim, perspicuitate & dexteritate docendi omnibus complacebat] ac sæpius cum vicinis Parochis contulisset: Confratribus imprimis adeò amabilis fuit, Parens desideratissimus, ut Congregationes (uti vocant) non apud alium, quàm apud eum, Assessorem nempe Contubernii deligerent. Visitationibus insuper adfuit, quoties Excell. Superintendentes utpote, Oraculum illud Hungariæ David Lani, & Saboinik, senex mitissimus, uterq; *vñ. ex alyois* officio illò sunt defuncti, quas mala fide nuper quidam in dubium vocabat, consuetudinum Patriæ ignarissimus. Sed & hic Parens meus non erat sine *Cruce & Tentatione*, individuo Comite officii sacri. Nam à milite Cesareano, omnibus propè spoliatus fuit: mecum vix in expeditione illa Anni 1663, Tartarorum manus evasit: ab Hungarici militis gladio, vix vitam fugâ eripuit, ac quod est palmarium ejus infelicitatis, Filium maximum à Turcis captum ad Vetusolium, vix lacrymis & 100. Imp: pretio redemit. Ad hæc omnia: subsequuta est fatalis illa & omnibus Gentibus suspecta Citatio, ordine tertia, in qua de Ministerio Lutherano in Hung. penitè extirpando faba cura erat, ad quam viriliter comparuit, & cum reliquis [simplicistis licet & abjectissimis, uti loqui aliqui amant, magnis tamen coram oculis Dei] Cleri Romani *Reversalibus*, eas procaciter obtrudentibus, & nihil nisi *subscribite sicut Antecessores*, clamantibus, animosè restitit,

stitit: ratus beatius esse omnia potius perdere, quam bonam famam,
& conscientiam in Ministerio sanctè Christo servatam, per
fessionem, contrariam facto, lædere & prostituere. Hinc commu-
nem, quoad beneficium Numen opitulatricem dextram non porre-
xerit, atrocitatem ab Adversariis, sed patientissimè & constantissi-
mè sustinet, ac cum eo ex eodem Contubernio Confratres Pl. Reve-
rend. D. Leporini, Timkovits, Vég, Samuel & Balthasar Nikle-
tius, Gotzio ex vinculis ad Cœlestia evocato. Habet jam cur sibi
gratuletur, Comitatus noster abjectissimus, in quo tanti inven-
ti sunt, qui aliquid paterentur Christi causâ, quanti in nullo alio,
Uti ex reducibus illâc hæc cum dolore, lachrymis misto, percepi.

Tu verò Domine memor esto opprobrii servorum Tuorum Pl.
89, 51. & vinctos Tuos, Filios mortis, non despicias. Psal. 69, 34.

Habes hic affectus filialis tributum Vir Cl. quod tantis beneficiis
obætatus, Parenti meo, studiorum meorum, qui semper puppis & pro-
fuit, ut debui pridem, sic sub Tuo nomine vulgare volui: ut, sive re-
deat, (quod omnes afflicti & deserti, calentissimis desideramus suspi-
riis) lætandi materiam ex suis fatis concipiat; sive vitam ei Transtra
cripuerint, (quod deprecamur) observantiæ tamen proftet æter-
num, filialis in Parentem in Triremibus gementem, sub Tui nomi-
nis Clarissimo splendore, monumentum.

Liceat hic meum facere Epiphonema.

Surge Deus tua res agitur, tua causa laborat!

Religio patitur, vim sacra: Surge Deus!

† in ejus Comitatus præcipuo Oppido, Taxoviæ, Pl. Rev. Elias La-
diver F. communis & felicissimus Præceptor Hungariæ, ante exi-
lium proximè Pastorem egit, nunc Exul Christi. Cui Deus ubivis
benè velit,!



DÆDALUS REDIVIVUS.

Spirante tandem Turbine concito
Livoris atri, Sors cadit aspera.

Pro felle, mel fragrans *Erynnis*
Immemor ipsa sui propinat.

IO! triumpha victor ab hostibus
Triumphe LANI! nam Tibi *compedes*
In *annulos* ivêre. Victus
Nunc agitas meritos triumphos.

Virtutis istud fœnus, & inclyti
Merces *laboris*. Sic superum manûs
Flectunt Furoris constituta,
Quæ innocuis rabies paravit.

O si *nitescant* vel modò *sæpia*
In hac *nigella*, facta recentia,
Centum dolores, mille casûs,
Mille specus, lacrymæq; mille.

Quando sub umbras, *Ausonius Lupus*,
Romana Circe, Te rapuit furens,
Ut Te profundâ nocte tetræ
Contegerent penitûs tenebræ.

Sed

Sed non valebant antra repellere
Lucem innocentis: squalida carceris
Illuminavit lustra *Virtus*.

Non potis hanc laqueis ligare.
At quale monstrum? rafa cohors *Patrum*
Multis ruinis ingluviem beat.

Verne Nigrantum tunc furores
Exfatiant sitientis alvi,

Summi Parentis sanguine *Præfulum*,
Quorum *quadrati* pectoris entheus

Zelus refugit nomina *Aulæ*

Persephones dare scripta subter.

[: Quæ causa? Res est *Relligio abdita*.

Non est *meretrix*, respuit omnia

Pigmenta. *Sæpe est parvus error*

Principium gravium malorum :]

Peracta lis est: Vertitur en furor!

Manus negabant officium *sacrum*

Sensere tali, dum furentis

Vos ageret rabies *catervæ*.

Heu! quos dolores inter & omnium

Pondus laborum plus mage concidunt

Viri dolorum! *purpurascit*

Hoc mare Parthenopes cruore.

Testor

Testor *Triremes Parthenope* tuas!
Vastos dederunt hæ gemitûs, ubi
 Sensere *Patres*, quos cohortis
 Carnificum lacerabat unguis.
Hæc fata flentis pro! *Patriæ & Patrum!*
Te *Magne KLESCHI* testor! utin *Tuum*
 Caput verendum fudit omne
 Lojola perfidiosus oestrum.
Tandemq; vinctum misit in *ultimos*
Antri recessus. *Cœca piaculum*
 Quærebat *insons* Turba, *solis*
 Supplicii recreanda *KLESCHI*.
Tu testis horum [: *ludibrium Pater*
Cleri:] dolorum, qui prope *tartari* ad
 Demissus *umbras*, *ferro onustus*,
 Adstrigibus *cumulata lustra*.
Lyra, *hic quiescas!* non modò luctibus
His convenit: *mutus gemitum tene*.
 [: *Hebeu! Pater nostrum dolorum!*
 Deficiunt lacrymæ gementem.]
Hucusq; Fortunæ licuit *Tuæ*
Præclare *LANI*; vertitur *alea*
 Sortis *malignæ*: *providus dum*
 Dædaleas *Tibi* *fingis alas*;

Imò

Zc 3123 QK
Imò ambierunt Te Aligeri Chori,
Subvectus illis, deseris *atria*

Dolis repleta. Hanc sorte faustâ.

Artem imitatur AMICA BIGA,
Favebat ether, qui hæc sacra præsciit,
Vos junxit una. *Terna ades hostia*

Redux flagranti erepta *furno*

Qvem Babylonia struxit *Ate.*

Finita lucta est! Jam pius occine
Pæana lætum: luctibus abstine,

Dedisce fletum: [cede mœror,]

Dum Tibi *puniceâ Tiarâ*

Missnêia vestit nunc *Phyliræ* caput,
Et Te *Sophorum* consequitur decus.

Perdulce sit pressisse conto

Littora, & æquoreos penates.

Prævertis omnes, Dardanidum solum
Linqvens: *Magistri Nomina* mox capis

Utrumq; *tectè:* Nonne *utroq;*

DÆDALUS es, SOPHIÆ MAGISTER?

Ita dignos honores asurgens veneratus est

SUI CL.M. LANI,

GEORGIUS GASSITZIUS

Hung.



1007

m. 10

QK.253, 23

è duplici

Bic

CLARISSIMA

M. G

LA

Inante Civi
NENSIS

Ad *Triremes* N
justissimè, jux
in Ge

IN AI

Supremos in

fa

A.O.R. M

Typis JOHANN

101



atus:

S PRO.

GII


RPO.

S

uctus,
ux



iores



X 205 5624



TIFFEN Color Control Patches © The Tiffen Company, 2007

Inches
Centimetres

Blue Cyan Green Yellow Red Magenta White 3/Color Black

